


北京圖書館出版社

福建師範大學圖書館藏
稀見方志叢刊



方寶川
陳旭東◎主編

福建師範大學圖書館藏
稀見方志叢刊

方寶川

陳旭東◎主編

14

北京圖書館出版社

及下身三月

貽訊也則又余之幸也夫肯

康熙四十二年十二月穀旦建陽知

縣大梁柳正芳撰



原書缺葉

縣

晉元康元年以建安郡屬江州仍領建平縣

太元元年改建平爲建陽

隋開皇九年建州郡廢爲縣屬泉州建陽併屬建安

唐武德四年改建安爲建州復置建陽陞爲上縣

八年以建州屬泉州都督府省建陽入建安

嗣聖五年復置建陽今建忠里保太寺基卽縣治也

嶺鎮改崇安場至宋淳化五年陞場爲縣故唐書武夷山載在建陽

中和四年以陳巖爲觀察使鎮福州表郡人熊博

縣紀



爲建州刺史寓治建陽

宋治平三年拆建陽東南及建安浦城二縣地置甌

寧縣

元祐四年拆建安地之半置甌寧縣而建陽浦城

地不與焉

建炎二年建州卒葉儂叛知州事方承移寓建陽

先是建炎

建州軍校張員等作亂執守

臣張勲轉運使

毛奎爲所殺判官曹仔嬰城

自守二年轉運判官

謝如意執張員等六人

誅之是年六月建州卒

葉儂等作亂寇福州

陷七日入寧德縣復還

建州高宗命御營中

軍統制張俊同兩浙提

點刑獄趙哲率兵討

之大破儂兵于建州城下。儂降。復謀叛。尋擒斬之。州始復。

四年七月建州范汝為作亂。建陽縣解宇皆

燬。宋史云范汝為作亂。命統制李捧捕之。復

建州官軍皆潰。使程邁會兵討之。捧擊汝為。

為十月復命神武副軍都統制辛企宗討之。十二月汝為降。詔補民兵統領。

紹興元年正月前御史臺檢法官謝嚮率汝為范

討平建陽賊劉時舉。六月崇安民廖公昭合

汝為餘黨熊志寧作亂。既散。志寧復與建陽

民丁朝佐合兵陷二縣。八月謝嚮移軍福州。

討之

二十一年知縣傅楨重建建陽縣縣治

景定元年唐石里嘉禾生詔改建陽縣曰嘉禾
元復嘉禾縣爲建陽縣

至正二十二年陳友定據福建行省移寨建陽之

開福寺

明

洪武元年陳友定平設縣仍舊隸福建布政使司建
寧府

建陽縣誌凡例

一潭故無志明景泰庚午邑人黃璿始爲纂輯
治壬子知縣區玉邑人劉童增修嘉靖己酉知
縣馮繼科邑人朱凌重梓萬曆庚子知縣魏時
應邑人陳紀復加刪潤經今百餘年沿革代變
事跡劇繁是用撰補體裁雖易要之存舊

一修誌繁者應刪闕者應補如舊志末圖分野今
按星次補入

一舊志總圖縣境及三坊十六里各爲圖以便覽

凡例



善矣間或簡率多誤且平陂桑谷物以時遷如縣治儒學不得復仍舊圖今悉更之

一山川首列名勝次有關縣治者次爲望各鄉者其餘崗阜支流不能悉紀若山實在本邑而諸書誤載他屬者考正錄之

一前人建置可述而省廢亦必書所以表先績存餽羊也由明萬曆年更百餘或舊廢或舊未廢而今廢于各款下舊廢者註廢餘以今廢別之一潭以諸儒勝故書院祠舍獨多自宋迄今屢廢

屢興茲止詳創始姓氏洎近日修復者各採詞記以識沿革

一有田則祭諸先正俎豆蒸嘗惟祀田是藉故註本祠之後俾世守之無至湮沒

一記詩序賦舊志各附事後如雲谷寺記卽附本山之後書院等記卽附書院之後殊失志體今倣各志另彙藝文卷

一寺觀有糧籍租者舊志詳載產賦於本寺本觀之下防隱占也 國朝康熙丙寅知縣李六成

清積逋詳請令佃輸官不隸寺觀今將通邑寺
觀田仍註某寺某觀下以備耳目間有未籍產
賦者亦紀其地之勝餘淫創者不錄

一戶口賦役國家大計所關故紀載必悉庶經政
者得有所考昔晉史名乘以其多田賦乘馬之
事茲志猶是義也

一物產舊志註本草爾雅諸書殊覺贅繁悉刪之
物產未備者補之

一官師選舉舊志多遺字里今採斷簡殘碑補入

外餘仍闕之仕僞者照府志削

一名賢傳皆載政蹟茂著教化彰明者官雖陞遷而見當事任則題數語于姓氏之下不另立傳一入貲拜爵非實授者不書刀筆鬪冗之流碌碌未有奇節併削

一潭多名儒舊志首列儒林作游朱劉蔡四世家餘爲列傳今悉仍之次若忠侃賢良孝義節烈文苑武功宦達隱逸僑寓諸條自明萬曆庚子後者採入間或舊志未盡錄者各序年代核載

一 人物所收皆在身歿之後其有身未歿歿未久
議論未定者皆闕之以俟後之君子

孝義貞烈奉

旌典者書報于官司而覆覈可據者書間有志節無
瑕爲鄉評所信輿論失推者卽未經聞官亦特
書以俟觀風者

一 凡事跡據實直書美惡自見不輒係論贊以爲
褒貶

一 諸著作係一方菁華第有全集見傳者有集或

不傳而間見于他書者各錄名以紀其概書坊板目亦各具目俟鄴侯家采焉全文牛汗不具錄

一舊志所佚查各志乘及先賢集傳確然可據者急登錄以無湮先民之蹟其考之家乘雖信邑人見聞雖真而非關係大節者不敢湮沒亦不敢驟入也附拾遺以俟更考

建陽縣誌目錄

縣紀

一卷輿地誌

分野圖

方域

坊里
市集附

橋梁

風俗
歲時附

二卷建置誌

建陽縣志

卷之一

輿地圖
縣治學校圖

城池

山溪

陂澤

氣候

目錄

乙